

■ NOVITADS

**Chantun
schlia cunvegna
cun Kjbe**

(rtr) Suentar la decisiun da reorganisar dal tuttatfatg la cussegliaziun da mammas e babs ha decidì la regenza uss il proxim pass en chausa: Ella terminescha las cunvegna da prestaziun tranter il chantun e l'Uniun per tgira d'uffants complementara a la famiglia (Kjbe) pertutgant la cussegliaziun. Il departament da giustia, segrezza e sanadad vegnia uss incumbensà dad sa metter d'accord cun la Kjbe per pudair schliar questas cunvegna cuminaivlas, scriva la regenza. En pli saja vegnì incumbensà il departament cun organisar la cussegliaziun da mammas e babs da nov.

■ PLAID PER LA DUMENGIA

Sefidar sil plaid dil Fegl da Diu

DA BERNHARD PETSCHEN, CATECHET

En la sontga Scartira savein nus leger cura che Jesus ha entschiet a perdegar il reginavel da Diu e nua ch'el ha entupau Simon, che vegn numnaus Pieder e siu frar Andriu (Lucas 5, 1-8). Pieder era in pescador cun tgierp ed olma e segiramein in cunscenzius pescador. Di per di navighescha el ora sil Lag da Genesaret per pigliar pèschs. Duront quei temps entaupia Pieder Jesus. Igl operar da Jesus era dad ademplier il plaid da Diu e da dar vinavon la carezia dil Bab en tschiel. El ei gie il Spindrader empermess dil Veder Testament.

Jesus vesa la situaziun da Pieder e tarmetta el da bi clar di ora sil lag. Pieder, in sabi pescador,

saveva ch'ei porti lidinuot dad ir duront il di a pescar. Denton age-scha Pieder e di «Mussader, l'entira notg essan nus sestentai e vein pigliau nuot. Mo sin Tiu plaid vi jeu fierer ora las reits (Lucas 5, 5). Ed el va ora sil lag e peglia pèschs sco aunc mai en sia veta.

Pieder vesa che Jesus ei buc in sabiut, in che vul saver tut meglier. Na, el ei aschi perschua-diud da Jesus ch'el lai tut agradiu sia lavur alla riva dil Lag da Genesaret, banduna tut e suonda el.

En la glisch da Jesus savein era nus bandunar nossas prioritads e suandar el aschia sco Pieder ha fatg. Jesus vesa egl intern

da nos cors. El vesa cura che nus essan consterni, e cura che nus vegnin cun in cor aviert tier el. Nus astgein sefidar da siu plaid, el ei la glisch dil mund. Quei muossa il discuors denter Pieder e Jesus.

Pia, lein schar anavos bagatel-las e piculezzas e lein suandar il plaid da Diu, da Jesus Kristus ch'ei morts per nus. El ch'ha buca mo priu nos puccaus sin el, anzi, era nossas malsognas e tut quei che mulesta e mudregia nus, cun el vid la crusch a Golgata. E davos la crusch astgein nus prender encunter la gloriosa empermisschun ch'el ha fatg a nus. Tgei grondiusa empermisschun. Dieus seigi ludaus.

■ OPINIUNS

**«Il surmiran e'ls
Surmirans»**

Ils 24-06-2019 hai jau legì l'artitgel da *Du-ri Gaudenz* ed jau hai gi l'impressiun ch'jau saja vegnida menziunada cun mes cudesch «Sindoria» (tenor l'autur numnà Sidonia da Jacqueline Dosch). I ma fa grond plaschair ch'el ha gi tschaffen dal roman. Sco che Gaudenz remarca èsi vair ch'i n'era per mai da quel temp e per quel roman betg in'opziun da scriver per rumantsch grischun u per tudestg, essend ch'jau hai frequentà la scola en surmiran. Jau sun superbia dal surmiran e scriv gugent en quel idiom. Però ves jau er ils avantatgs dal rumantsch grischun sco linguatg da punt ed i ma para impurtant ch'el haja in plaz en la scola obligatori-ca – e quai en tut las regions rumantschas.

Dominique Dosch, Tinizong/Friburg

**Daventan noss uffants
assassins da carriera?**

La chauma da las dunnas è passada. Ella ha muventà insatge enten mai. Natiralmain ch'jau sun per l'egualitad tranter dunnas ed umens. Cumbain ch'jau ves anc potenzial da meglierament. Ma tge che ma disturba en connex cun questa discussiun è: Noss uffants vegnan betg pli resguardads sco regal, na, els vegnan degradads ad assassins da carriera. Per mai èsi anc adina in dals pli bels e pli impurtants pensums dad esser mamma ed educar. Canortas d'uffants pon surpender la tgira e la surveglianza, ma la gravidanza e la parturaziun en lezias che mo ina dunna po surpigliar. Per mai èsi adina in privilegi d'esser mamma. Gea, jau ma resent adin'avant ventiraivla d'esser mamma. Quai na signifitga dentant betg ch'jau hai gi da desister da mia carriera. Jau hai simplamain adattà mes pensum professional. Mia carriera n'era betg pli en il center. En il temp d'ozendi datti bieras pussaivladads da cumbinar la famiglia cun la professiun, grazia a canortas, a la lavur a temp parzial, al biro a chasa ed uschia avant. Er ils umens en ozendi per regla plitost pronts da sa participar da la tgira e la surveglianza dals uffants. Jau sustegn fitg sche dunnas returnan al mastergn suenter avair passentà in'interval da maternitad. Dentant mintga dunna duai decider sezza tge ch'è impurtant per ella e quant ch'ella vulesch lavurar d'asper l'engaschament per la famiglia. N'emblidain betg da punctuar: esser mamma è in'incumbensa a temp cumplain. Quai duai era vegnir respectà ed undrà. I na dastga betg esser ch'ina mamma che na lavura betg pli en il mastergn u s'engascha professionalmain be a temp parzial vegnia disrespectada en ina maniera u l'autra. Mettain puspè en il center noss uffants, ils resguardain puspè sco regal e sajan conscients da nossa responsabladad. Martha Widmer-Spreiter, deputada dal cussegli grond, candidata cussegli nazional pbd

LA QUOTIDIANA

Editura: Samedia Press AG
 Editur: Hanspeter Lebrument
 CEO: Thomas Kundert
 Schefredactor: Martin Cabalzar

Redacziun

Agentura da Novitads Rumantscha (ANR):

Flurin Andry (fa), Augustin Beeli (abc),
 Andreas Cadonau (ac), Annatina Filli (afi),
 Hans Huonder (hh), Susi Rothmund (sr),
 Gion Nutegn Stjier (gns).

Collavurators redacziunals:

Giusep Capaul (gc), Lucas Deplazes (ld),
 Bartholome Tscharnner (bt).

Adressas redacziunals:

La Quotidiana, Via Sommerau 32, 7007 Cuir, tel. 081 255 57 10, mail: redacziun@laquotidiana.ch

Agentura da Novitads Rumantscha (ANR):

Via da Masans 2, 7000 Cuir, tel. 081 250 48 00, mail: anr@spin.ch
 Surselva: tel. 081 936 47 00, mail: surselva@anr.ch
 Engiadina: tel. 081 864 81 12, mail: engiadina@anr.ch
 Surmeir: tel. 079 430 69 30, mail: surmeir@anr.ch
 Schons: tel. 081 637 13 45 / 079 869 03 18
 mail: tscharnner.savognin@bluewin.ch

Editura Samedia,

Via Sommerau 32, 7007 Cuir, tel. 081 255 50 50, mail: verlag@samedia.ch

Servetsch d'abunents e da distribuziun:

Via Sommerau 32, 7007 Cuir, tel. 0844 226 226, mail: abo@samedia.ch

Inserats:

Samedia Promotion,
 Via S. Clau Sura 11, 7130 Gilon tel. 081 920 07 17, fax 081 920 07 18, mail: ilanzer@inserate@samedia.ch

La Quotidiana cumpara tschintg giadas ad emna
Ediziun derasada: (Südschweiz cumplet) 72 319 exemplars, Ediziun vendida 68 613 exemplars (WEMF-/SW-beglaubigt, 2018)
Derasaziun: 163 000 lecturs (MACH-Basic 2018-2)

Pretschs d'abunaments sut:
 www.suedostschweiz.ch/aboservice

Comunicaziun da participaziun considerabla sin fundament da art. 322 CP:

nagin

© Samedia

GastroGrischun promova gastronoms giuvens

■ (cp) Il di da las portas avertas da l'Ems-Chemie ils 15 da zercladur 2019 ha GastroGraubünden procurà cun passa 200 gidantras e gidantras per in'alimentaziun senza incaps dals var 14 000 visitaders. *Annalies Bäsch*, com-

membra da suprastanza da GastroGraubünden e presidenta da la cumissiun per la generaziun giuvna, ha gi grond plaschair da retschaiver ussa da *Franz Sepp Caluori* e *Marc Tischhauser*, president resp. gestiunari da Gastro-

Graubünden, e da *Magdalena Martullo*, scheffa da l'EMS, in schec da 7500 francs or dal retgav dal di da las portas avertas. La summa va a favur da projects per promover gastronomas e gastronoms giuvens.



Da sanestra a dretga: Marc Tischhauser (gestiunari GastroGraubünden), Franz Sepp Caluori (president GastroGraubünden), Noëlle Jehli (empredista cuschiniera en il 1. onn d'empredissadi), Vanessa Giuliani (empredista cuschiniera en il 2. onn d'empredissadi), Sandro Caminada (empredist cuschinier en il 2. onn d'empredissadi), Annalies Bäsch (commembra da suprastanza da GastroGraubünden e presidenta da la cumissiun per la generaziun giuvna) e Magdalena Martullo (interprendidra Ems-Chemie). FOTO EMS-GROUP

Nach längerer Krankheit konnte sie im Kreise ihrer Familie einschlafen.

Todesanzeige

In Liebe und Dankbarkeit nehmen wir Abschied von

Ida Jacomet-Lechmann

3. November 1944 bis 3. Juli 2019

Unsere Mama liebte Engel, wir hoffen, dass sie nun bei ihnen ist und vielleicht sogar mit ihnen fliegen kann.

Traueradresse: Marco Jacomet Saluferstrasse 28 7000 Chur

In stiller Trauer: Marco Jacomet Guido Jacomet Petra und Aldo Jacomet Verwandte und Freunde

Unser Dank gebührt der Casa Falveng in Domat/Ems für die liebevolle und geduldige Pflege. Die Urnenbeisetzung findet Ende Juli im Kreise der Familie statt.

Ti eis buc pli cheu nua che ti eras, denton ti eis dapertut nua che nus essan.

Annunzia da mort

En carezia ed engrazieivladad prendein nus cumiau da nossa cara mamma, tatta, basatta, sira, sora ed onda

Alexandra Livers-Cathomas

18 da fenadur 1926 – 3 da fenadur 2019

Suentar ina veta plein carezia per tes cars eis ti ida sin tiu davos viadi. Nus essan trests mo cun biaras bialas regurdientschas en noss cors.

Adressa da malencurada: Alfons Livers Via Ruast 13 7165 Breill/Brigels

En tgeua malencurada: Theresa Sertore-Livers cun Erich Sonderer Alfons e Pia Livers Valeria e Michel Andres-Sertore cun Eline e Sophia Claudio Sertore Ramona Livers e Hubert Decurtins Flurina Livers Nesa Cathomen-Cathomas parents ed enconuschents

La sepultura ha liug gliendisdis, ils 8 da fenadur allas 14.15 ella baselgia parochiala a Breill.